

IGO GEORGE

Imithetho yezoThutho

UHLAZIYO LWE-2

Julayi 2022



GO GEORGE



Western Cape
Government

IGunyabantu elineSivumelwano lizinikele ukuqhubeka liphucula le Mithetho. Amanqaku amkelekile kwaye angafakwa ku-**info@gogeorge.org.za**.

IZIQLATHO

1. Intshayelelo
2. Izibonelelo zoMthetho
3. Umngcipheko wobuqu
4. Imirhumo yokukhwela
5. Iimveliso ze-GO GEORGE
6. Ukubuyiselwa imali
7. Ukusetyenziswa kwe-Smart Card
8. Ukukhwela kunye nokuhla
9. Izihlalo ezikwindawo ephambili
10. Ukufikeleleka kumntu wonke
11. Uthutho ngexesha likaxakeka kwezonyango
12. Abantwana abangaphantsi kweminyaka eli-12
13. Ukuhlala ezihlalweni
14. Ukuma ebhasini
15. Imithwalo
16. Izinto ezilahlekileyo
17. Izinto ezingenamntu
18. Ukuphazamisana nezinto(nepropathi)/nabakhweli
19. Izilwanyana kunye nezilwanyana zasekhaya ezingabahlobo
20. Ukuhanjisa kweebhodi zokudlala emanzini kunye neebhayisekile
21. Imipu kunye nezixhobo ezinobungozi
22. Ulwelo olunobungozi okanye oluvuthayo
23. Izenzo ezithintelweyo
24. Imiyalelo evela kumaGosa aGunyazisiweyo
25. Ukuthotyelwa komthetho kunye nokubekelwa bucala
26. Amatyala ngokubanzi
27. Imithetho yezothutho yeGO GEORGE
28. Iiwimi

Uluhlu Iweentsingiselo zamagama

“iGosa eliGunyazisiwego” njengoko lichaziwe ngokweCandelo 1 loMthetho weSizwe wezoThutho oLwenzeka eMhlaben (2009) kwaye elixhotyiselwe ukunyanzelisa iMithetho yezoThutho yeGO GEORGE liquka:

Umqeshwa wesebe lephondo njengoko kucingelwa kwiCandelo lama-86;

Umqeshwa okanye umsebenzi osebenza ngesivumelwano kuMasipala waseGeorge njengoko kucingelwa kwiCandelo 86, ogunyaziswa nguMphathi wesebe onoxanduva lwezothutho ukuba asebenze njengeGosa eliGunyazisiwego;

iGosa eliNyanzela ukuThotyelwa koMthetho kaMasipala waseGeorge, iGosa lezeNdella, okanye uMongameli wezoThutho loLuntu, elixhotyiswe ukuba linyanzelise iMithetho yezoThutho yeGO GEORGE, kwaye elichongwa ngekhadi lesazisi leGO GEORGE okanye ikhadi lesazisi elichonga lowo uliphetheyo njengegosa leenkonzo ezifanelekileyo;

Nawuphina umntu ogunyaziswe ngumnini waho nawaphina amasango kawonke-wonke okanye nasiphina isithuthi sikawonke-wonke ukuba makesebenze ngokwezibonelelo zeCandelo le-2 loMthetho woLawulo lokuFikelela kuMasango kune neziThuthi zika-Wonke-wonke (uMthetho nombolo 59 we-1985), njengoko uhlonyelwe (“uMthetho woku-Fikelela”);

Umqeshwa, umsebenzi osebenza ngesivumelwano kuMasipala waseGeorge okanye a-Baqhubi beNkampani yeziThuthi eziSebenzela iGO GEORGE abagunyaziswe ukuba basebenze njengegosa eligunyazisiwego.

“iGunyabantu elineSivumelwano” lithetha uMasipala waseGeorge kune neSebe lezo-Thutho kune neMisebenzi yoLuntu likaRhulumente wePhondo leNtshona Koloni besebenza kune njengoko kubonelelo kwiSivumelwano sikaRhulumente oHlangeneyo se-GIPTN.

“uMqhubi” uthetha ogunyazisiwego noneziqinisekiso ezifanelekileyo noqeqliwego umntu olawula ngqo ukusebenza kwesithuthi seGO GEORGE.

“uMrhumo wokuKhwela” imirhumo njengoko imiselwe nguMasipala imiselwa iinkonzo zebhasi zeGO GEORGE nemiselwa amaxesha ngamaxesa ize iboniswe kwiMirhumo kaMasipala

“GIPTN” ithetha inkubo eHlangeneyo yoThungelwano lweZithuthi zikaWonke-wonke yaseGeorge esekwe ngoMthetho weSizwe wezoThutho oLwenzeka eMhlaben.

“GO GEORGE” uthetha inkonzo yezothutho kawonke-wonke eqhutywa nguMasipala waseGeorge njengenxalenye yoThungelwano

oluHlangeneyo IwezoThutho lukaWonke-wonke.

“Inkampani eqhuba iGO GEORGE” ithetha inkampani eqhuba izithuthi apho umsebenzi weGO GEORGE unikezelwe khona.

“Amasango eGO GEORGE” athetha nazo naziphina izithuthi zeGO GEORGE, izikhululo, izakhiwo, iiholo, amagumbi, ii-ofisi, izindlu zangasese, umhlaba kunye neendawo ezibiyeliweyo/iiyadi ezisetyenziswa, okanye eziphantsi kolawulo Iwenkampani eqhuba izithuthi zeGO GEORGE.

“Iinkonzo zeGO GEORGE” zithetha iinkonzo ezinikezelwa yiGO GEORGE.

“isithuthi seGO GEORGE” sitetha nasiphina isithuthi, ibhasi, imini-bhasi, okanye esinye isithuthi okanye ukuhanjisa kwempahla, okanye ephantsi kolawulo Iwenkampani eqhuba iGO GEORGE, esisetyenziselwa ezothutho, ngenjongo yengeniso okanye okunye, lwamalungu oluntu.

“uMthwalo” uquka, kodwa ungaphelelanga kuzo, iipasile, izinto ezigunyazisiwyo, izinto zobuqu kunye nezixhobo zokuncedisa.

“uMasipala” uthetha uMasipala waseGeorge, osekwe ngokwemiqathango kaRhulumente waseKhaya: uMthetho woBume bukaMasipala, (uMthetho nombolo 117 we-1998).

“NLTA” ithetha uMthetho weSizwe wezoThutho oLwenzeka eMhlabeni (uMthetho nombolo 5 wama-2009).

“Into” iquka, kodwa ingaphelelanga kuyo, inkunkuma okanye ukungcola, isuthikeyisi, ibrikeyisi, ibhegi, ifolda, imvulophu, ipasile okanye isiphatho salo naluphina uhlobo umkhweli asiphethayo okanye anaso, okanye esiphantsi kolawulo lwakhe.

“Abantu abakhubazekileyo” oku kuthetha bonke abantu abantshukumo zabo zithinte-lwa kukukhubazeka kwexeshana okanye okusisigxina okanye ukukhubazeka engqondweni kwaye kuquka abantu abangaboni kwaye/okanye abangeva kakuhle, abancinane kakhu-lu, abasebekhulile, abasetyhini abakhulelwego kunye nabo bathintelwa ngabantwana kwiintshukumo zabo.

“i-Smart Card” sitetha i-smart card esithobela umthetho we-Europay-Mastercard-Visa (EMV) nesamkelwayo njengenxalenye yeNkqubo eHlangeneyo yoLawulo IweMirhumo yeGO GEORGE.

“iSikhululo” sitetha esimiselwego nesigunyazisiwyo isikhululo sebhasi iGO GEORGE esisetyenziselwa ukukhwela kunye nokuhla kwizithuthi zeGO GEORGE ezichongwa luphawu olusemthethweni lwasikhululo sebhasi iGO GEORGE okanye sichongwe njengesikhululo sebhasi iGO GEORGE liGosa eliGunyazisiwyo.

1. Intshayelelo

IMithetho yezoThutho yeGO GEORGE imisela ukusetyenziswa kwenkonzo yebasi iGO GEORGE. Le Mithetho ibonisa ukuzinikela ekuboneleleni ngezothutho lukawonke-wonke olukumgangatho wehlabathi ngokhuseleko, ngokuthembeka kunye nobuntofontofo.

Umntu osebenzisa le nkqubo angatshutshiswa ngalo naluphina ulwaphulo-mthetho olu-
ngafakwanga kule Mithetho, phantsi kwavo nawuphina omnye umthetho.

Le Mithetho ayiwachaphazeli amalungelo omthetho omkhweli njengomxhasi okanye
umthengi. IGunyabantu elineSivumelwano linkonye ilungelo lokuguqula okanye litshi-
ntshe iMithetho ixesha nexesha ngaphandle kwesaziso. Uhlobo IweMithetho esetyenzi-
swayo ngexesha lokuthenga amatikit luza kuba luhlobo olusetyenziswayo.

2. Izibonelelo zoMthetho

IMithetho esebezayo ekuthuthweni kwabakhweli ngeebiasi kunye nezinye izithuthi
zikawonke wonke iquka:

- uMthetho woLawulo lokuFikelela kumaSango kunye neziThuthi zikaWonke-wonke
(uMthetho nombolo 53 we-1885) kunye nezilungiso nemimiselo enxulumeneyo
("uMthetho wokuFikelela")
- uMthetho weZithuthi eziseNdleleni (uMthetho nombolo 93 we1996), nezilungiso kunye
nemimiselo enxulumeneyo
- uMthetho wezoThutho oLwenzeka eMhlaben (uMthetho nombolo 5 wama-2009)
nezilungiso kunye nemimiselo enxulumeneyo
- uMthetho weeMveliso zeCuba kunye noLawulo (uMthetho nombolo 83 we-1995),
nezilungiso kunye nemimiselo enxulumeneyo
- uMthetho oHlonyelweyo weMiba yoLwaphulo-mthetho (uMthetho nombolo 18 wama-2015)
- Imithetho kamasipala efanelekileyo

Ukusetyenziswa kwenkonzo yebasi iGO GEORGE kuthetha ukuvuma ukuthobela iMi-
thetho. Le mitetho izi kunyanzeliswa ngqongqo ukuze kuqinisekiswe ukhuseleko nokhu-
selo Iwabakhweli kunye nokubonelela ngenkonzo yezothutho lukawonke-wonke ese-
mgangathweni ophezulu.

Nakuphina ukophulwa kwale Mithetho kunganesohlwayo esiyintlawulo kunye/okanye
ukuvalelw entolongweni kuxhomekeke kulwaphulo-mthetho olo kuthethwa ngalo.

Ngokwecandelo 4 IoMthetho wokuFikelela, umntu ochasene naso nasiphina isibonelelo esikwe-li candelo unetyala lokwaphula umthetho kwaye angahlawula isohlwayo esingadlulanga kuma-R2000, okanye avalelwе entolongweni ixesha elingadlulanga kwiminyaka emi-2, okanye zombini.

Ngokwemiqathango yecandelo 90(2)(b), IoMthetho weSizwe wezoThutho oLwenzeka eMhlabeni, isohlwayo esinokanezelwa ngokophula imithetho sisohlwayo esingadlulanga kuma-R10 000 okanye ukuvalelwе entolongweni ixesha elingadlulanga kwiinyanya ezi-3.

Izohlwayo zinganikezelwa ngokwemiqathango yeSicwangciso seZohlwayo, ezinokuguqulwa ixesha nexesha, ngokuhqhotyoshelwe kuMthetho kaMasipala waseGeorge wezoThutho luka-Wonke-wonke ongekagqityezelwa.

Abakhweli bayakhuthazwa ke ngoko ukuba baqaphele kwaye bathobele le Mithetho kuba iziphumo zokungayithobeli zingabuhlungu kakhulu.

3. Umngcipheko wobuqu

Kufuneka kuqatshelwe ukuba, ngokuxhomekeke kwimithetho echazwe ngezantsi, i-nqwalasela itsalelwе kwinqaku lokuba abakhweli basemngciphekweni wokwenzakala kunye/okanye ukusweleka ukuba isithuthi abahamba ngaso sibandakanyeke engozini.

4. Imirhumo yokukhwela

Imirhumo yokukhwela iGO GEORGE ihlawuliswa ngokuhambelana noluhlu Iwemirhumo evuniywego nepapashwe nguMasipala waseGeorge enokufumaneka ku-www.george.gov.za.

I-GO GEORGE inkonye ilungelo lokuziguqula iimveliso zezothutho ezinikezelwayo ixesha nexesha, ngokubonelela abakhweli ngesaziso kwanethuba elifanelekileyo.

5. Iimveliso zeGO GEORGE

IGO GEORGE isebezisa inkubo yokuQokelela iMirhumo eZenzekelayo ukukhuthaza i-ndlela yokuhamba engafuni zinkozo zemali kubakhweli beGO GEORGE. Njengenxalenye yenqubo, kukho iintlobo zeemveliso ezimbini ezinikezelwayo, ezibizwa ngokuthi ziimveliso zekhadi kunye nezokuhanjisa.

5.1. IIMVELISO ZEKHADI

IGO GEORGE inikezelala ngamakhadi okukhwela abizwa Transit Smart Cards kunye ne-ePromotional Smart Cards. Lo gama zombini ezi ntlobi zamakhadi eSmart Card zifana, ii-Promotional Smart Cards ziquka iihambo ezimbini ezisimahla kwaye ziyafumaneka njengesibonelelo ekubonelelwе ngaso kanye kuphela kubathengi ababonise isazisi e-sisemthethweni xa bethenga.

Iimveliso zekhadi zinomhla wokuphelelwе obonisiwego kwikhadi. Emva komhla woku-phelelwе kwekhadi, abathengi kufuneka bathenge ikhadi elitsha leSmart Card kuba eli unalo alisayi kusebenza. Naziphina iihambo ezingasetyenziswanga kwikhadi eliphelelwego ziza kuggithiselwa kwikhadi elitsha leSmart ukuba

umkhweli uveza iSmart Card kwikiyoski emiselweyo yeSmart Card seGO GEORGE.

5.1.1. Iimveliso zokuthuthwa

IGO GEORGE inikezela ngamatikiti ehambo enye kunye neehambo ezininzi njengeemveliso zokuthuthwa ezivumela abathengi ukuba basebenzise iinkonzo zeGO GEORGE.

Igama Iemveliso	Inani LeeHambo
Itikitlohambo olunye	1
Itikitloehambo ezi-2	2
Itikitloehambo ezi-4	4
Itikitloehambo ezi-6	6
Itikitloehambo ezi-8	8
Itikitloehambo ezili-10	10
Itikitloehambo ezili-12	12
Itikitloehambo ezili-14	14
Itikitloehambo ezili-16	16
Itikitloehambo ezili-18	18
Itikitloehambo ezingama-20	20
Itikitloehambo ezingama-30	30
Itikitloehambo ezingama-40	40

Abathengi bakhululekile ukuba bathenge naziphina iimveliso ezidityanisiweyo abafuna ukuba zifakwe kwikhadi labo elisemthethweni leSmart Card.

Iihambo ezingasetyenziswanga aziphelelwa.

5.2. Lindawo zokuthenga iimveliso zeGO GEORGE

Iimveliso zamakhadi kunye nezokuthuthwa zeGO GEORGE zithengiswa kwikiyoski ezimiselweyo zeGO GEORGE. IGO GEORGE isekwasebenzisa uthungelwano IwaBathengisi abaGunyazisiweyo ukuthengisa iimveliso zokuthuthwa kwabathengi. Isicwangciso saBathengisi abaGunyazisiweyo sipapashwe kwiwebhusayithi yeGO GEORGE (<https://www.gogeorge.org.za/fares-tickets/>).

5.3. Ukuthenga iimveliso zeGO GEORGE

Xa uthenga naziphina iimveliso zeGO GEORGE, abathengi kufuneka bakuvavanye abathengileyo kunye netshintshi yabo ngexesha lokuthenga ukuqinisekisa ukuba zichanekile kuba iimpazamo azikwazi ukulungiseka emva kwexesha.

Xa uthenga amakhadi eSmart Card seGO GEORGE, abathengi kufuneka bawakhangele ukuqinisekisa ukuba ikhadi leSmart Card litsha, likwimeko efanelekileyo kwaye alinazo iziphene ezibonakalayo. Abathengi

kusekwafuneka bakhangele ukuba ikhadi leSmart Card alidlulanga kumhla wokuphelelwa kwalo njengoko ubonisiwe kwikhadi.

Abathengi bayakhuthazwa ukuba bayigcine irisiti yabo njengesiqinisekiso sokuthenga.

6. Imbuyiselo

Umninikhadi leSmart Card seGO GEORGE akanalungelo lembuyiselo ngayo nayiphina i-ntsalela yemveliso yokuthuthwa phantsi kwazo naziphina iimeko.

7. Ukusetyenziswa kweSmart Card

Umkhweli ngamnye kufuneka abe neSmart Card esisemthethweni ukuze asebenzise inkonzo yeGO GEORGE ngexesha lohambo lwakhe. ISmart Card sisemthethweni kuphela ukuba kufakwe ixabiso elaneleyo lokuhlawulela uhambo umkhweli aluthathayo ngenkonzo yeGO GEORGE ngokomrhumo wokukhwela opapashiweyo.

Xa ukhwela, abakhweli bebhasi yeGO GEORGE kuza kufuneka bachwethe iSmart Card sabo kumatshini wokufunda ikhadi osebhasini ofumaneka ekungeneni kwesithuthi. Emva kokufezekiswa kohambo ngempumelelo, abakhweli baza kufumana irisiti eprintiwewyo. Le risiti ingqina ukuba intengiselwano ibe yimpumelelo kwaye inika abakhweli ilungelo lokutshintsha-tshintsha iibhasi simahla kwisithuba seyure enye ngokusekwe kwisitampu sexesha esichazayo kwirisiti. Abakhweli kufuneka bayigcine kubo le risiti ngalo lonke ixesha lohambo.

Xa becelwa liGosa eliGunyazisiwewyo, akukho mntu unokwala ukubonisa irisiti yakhe neSmart Card esihambelana nayo. Ukusilela ukuthobela umthetho kunganesiphumo sesohlwayo kunye/okanye ukutshutshiswa.

Abakhweli abasilelayo ukuveza irisiti esemthethweni yokutshintsha okanye abasilelayo ukuchwetha ngempumelelo ngeSmart Card sabo baza kwalelwu ukuba bakhwele ebhasini.

Abakhweli banoxanduva lokuqinisekisa ukuba amakhadi abo eSmart Card ahlala ekwimeko elungleleyo ukuqinisekisa ukuba ayakwazi ukufundwa ngumatshini wokufunda ikhadi.

Kwimeko apho iSmart Card singakwaziyo ukufundwa ngumatshini osebhasini wokufunda amakhadi, abakhweli kufuneka bafumane esinye iSmart Card kweyona kiyoski ikufutshane nabo ukuqinisekisa ukuba bayakwazi ukuqhubeleka besebenzisa inkonzo zeGO GEORGE.

Xa uveza iSmart Card kwikiyoski, abasebenzi abamiselwewyo baza kulivavanya ikhadi. Ukuiba iSmart Card sikhangeleka njengesonakeleyo ngayo nayiphina indlela, abakhweli baza kuba noxanduva Iweendleko ezipheleleyo zokuthenga ikhadi elitsha leSmart Card.

8. Ukukhwela kunye nokuhla ebhasini

Kwizikhululo zebhasi zeGO GEORGE kunye nendawo eziphela kuzo abakhweli kufuneka:

- Bame kude nepavumente kwimeko apho iGO GEORGE iza kuvula inqwanqwa/ibhulorho. Abakhweli kufuneka basondele kucango lwebhasi xa ibhulorho yokukhwela ikhutshiwe okanye xa kucacile ukuba akukho nqwanqwa/bhulorho eza kukhutshwa;
- Xa kukhuselekile ukwenza oko, bakhwele ebhasini ngokungena emnyango ngokukhawuleza kodwa ngenkathalo.

Abakhweli mabangakhweli kwisithuthi seGO GEORGE xa zonke izihlalo zihleli abakhweli kwaye inani labakhweli elipheleleyo lifikelele kwinani elivumelekileyo neliboniswe kwisithuthi eso. Akukho bakhweli bavumelekileyo ukuba bame ngeenyawo kwiimini-bhasi.

Abakhweli abakwazi ukukhwela okanye bahle kwisithuthi seGO GEORGE xa sihamba okanye kuyo nayiphina indawo ngaphandle kwesikhululo esalathiweyo, ngaphandle kokunkwa imiyalelo liGosa eliGunyazisiweyo.

Abakhweli abakhwela okanye abahla kuyo nayiphina enye indawo bakwenza oko ngowabo umngcipheko. Amagosa kaMasipala okanye eGO GEORGE awakwazi ukubekwa ityala ngako nakuphina ukwenzakala, ukusweleka kunye/okanye ukonakala okuvela kwisenzo esingagunyaziswanga esinjalo.

9. Imimandla yezihlalo eziphambili

Imimandla yezihlalo eziphambili kwisithuthi seGO GEORGE ibekwe bucala ukuze isetyenziswe ngabantu abakhubazekileyo.

10. Ukufikeleka ngokubanzi

10.1. Ukufikelela kwizithuthi zeGO GEORGE

Zonke izithuthi zeGO GEORGE ziyafikeleka kubo bonke abantu abasempilweni entle nabawkaziyo ukuzihambela.

Ibhasi zixhotyiswe ngamanqwanqwa okanye, kwimeko yeebhasi ezincinane, iminxeba yokunyusa esezenza ngolwelo elawulwa nguMqhubi ekude nayo. Makusetyenziswe ubulumko xa kusetyenziswa iminxeba enokungahambelani neqonga lebhasi.

Ukusetyenziswa kwamanqwanqwa kunye neminxeba yokunyusa esebenzisa ulwelo kungomngcipheko walowo uzisebenzisayo kwaye uMasipala okanye iGO GEORGE ayinalo uxanduva lwawo nawuphina umngcipheko, umonakalo okanye ukwenzakala okufunyenwe ngokuzisebenzisa.

Abakhweli abasebenzisa izixhobo zokubanceda ukuhamba okanye imisimelelo kufuneka basebenzise izihlalo eziphambili kwaye baqinisekise ukuba izixhobo zokubancedisa zibekwe kakuhle ngokukhuselekileyo kwaye aziyongozi okanye umqobo kwabanye abakhweli.

10.2. Izixhobo zokuncedisa intshukumo

Izixhobo zokuncedisa intshukumo ziQuka izitulo ezinamavili,

izikuta zentshukumo, izixhobo zokubambelela xa uhamba kunye nemisimelelo kwakunye neenqwelwana zokukhwela abantwana, iiprem neezitrola, zithathwa njengezinto ezigunyazisiweyo xa zikhapha abakhweli kummandla obekwe phambili, ukuba ziyayithobela imithetho yeenqobo zobungakanani nobunzima obufanelekileyo.

10.3. Inkqubo yokufaka ibhanti lokhuseleko yesitulo esinamavili / kwizikutha zentshukumo

Umntu ohleli esitulweni esinamavili okanye kwisikuta sentsukumo unoxanduva loku-qinisekisa ukuba isitulo esinamavili / isikuta sentshukumo sihleli kwindawo echanekileyo kwisithuthi kwaye kufuneka azibophelele esebezisa inkqubo esemgangathweni ye-bhanti lokhuseleko ekubonelelwe ngalo.

IGunyabantu elineSivumelwano kunye neGO GEORGE azinakuthatha xanduva ngako na-kuphina ukwenzakala okufunyenwe njengesiphumo sokungathobel iimfuneko zokuzibophelela kwabo ebhasini.

10.4. Izithintelo zendawo kwisithuthi

Ngenxa yokungabikho kwendawo eyoneleyo, izitulo ezinamavili, izikuta zentshukumo, iiprem nezixhobo zokubambelela xa uhamba azinakuthatha isituba esi:

- Banzi kunama-750mm;
- Ngaphezulu kwe-1 300mm ngobude.

Ukongeza koku, ezi zixhobo akufuneki:

- Zijke kwisangqa esidlulileyo kwi-1 300mm
- Zibe nobunzima bomkhweli wazo kunye nobesixhobo eso obudlulileyo kuma-300kg.

10.5. Ukusetyenziswa kwezikuta zentshukumo

Ukusetyenziswa kwezikuta zentshukumo kuxhomekeke koku kulandelayo:

- Umsebenzisi uza kuhlala enoxanduva lokuzibophelela yena nesikuta kummandla obeke-Iwe bucala esebezisa amabhanti ekubonelelwe ngawo.
- Umsebenzisi uza kuhlala kwisikuta sakhe angahlali kwesinye isihlalo kwisithuthi.

11. Isithuthi sezonyango sexesha likaxakeka

Izithuthi zeGO GEORGE azinakusetyenziswa ngenjongo esisiseko yesithuthi sikaxakeka okanye isithuthi soncedo kwaye bonke abakhweli kufuneka babe sempilweni entle kwaye bakwazi ukuzihambela.

12. Abantwana abangaphantsi kweminyaka eli-12

Abantwana abangaphantsi kweminyaka eli-12 kufuneka bakhatshe ngumntu omdala ngexesha lohambo kwaye, nalapho kuyimfuneko, baziqhoboshe ngebhanti lokhuseleko ngexesha lohambo.

iGunyabantu elineSivumelwano kunye neGO GEORGE azinakuthatha uxanduva okanye zibenetyala ngomntwana ongaphantsi kweminyaka eli-12 ongakhatswanga ohambe ngesithuthi seGO GEORGE.

13. Ukuhlala ezihlalweni

Abakhweli kufuneka bahlale kwakamsinyane emva kokukhwela ebhasini kunye nokuchwetha ngekhadi leSmart Card. Ukuba zonke izihlalo zithathiwe, abakhweli bangema kwindawo yokuma eyenzelwe oko epasejini phakathi kwezihlalo, ngaphandle kwakwimini bhasi apho kungavumelekanga ukuma.

14. Ukuma ebhasini

Akukho mntu kufuneka ame ebhasini ngaphandle kokubambelela kwintsimbi yokubambelela, umva wesihlalo okanye umtya wokubambelela ngesandla. Inani elisemthethweni labantu abemi ngeenyawo, eliboniswe ngeempawu emva koMqhubi, alinakudlulwa.

Abakhweli abanakuma kumaqonga, amanqwanqwa okanye kwiindawo ezingagunya-ziswanga kwisithuthi kwaye akukho nxalenye yomzimba mayivele ngaphandle kwisithuthi ngaphandle kwangexesha lokukhwela okanye lokuhla ebhasini.

Ukuba nawuphina umkhweli ukhetha ungayihoyi le miyalelo, oko ukwenza ngowakhe umngcipheko kwaye iGunyabantu elineSivumelwano, iGO GEORGE kunye namagosa ayo abanalo ityala ngako nakuphina ukwenzakala, ukusweleka kunye / okanye umonakalo ovela kwisenzo esinjalo esingagunyaziswanga.

15. Umthwalo

Ngokubanzi, umkhweli angahamba ngebiasi yeGO GEORGE kuphela nezo zinto anokuziphatha engancediswa nezinokugcinwa kwisithuthi ngaphandle kokubangela ingxaki okanye ukungonwabi kwabanye abakhweli. Akukho mthwalo mawube nobude obungaphezulu kwe-1,8m.

Akukho mthwalo uza kuvunyelwa onokubangela ukwenzakala okanye ubacaphukise abanye abakhweli kwaye awunakuthatha indawo yokuma okanye yokuhlala.

Akukho mthwalo unokuvala indlela eya kwiingcango, ipaseji okanye iindawo zokuphuma zexesha likaxakeka.

Akukho mthwalo ongakhatswaga ngumntu oza kuvunyelwa kwisithuthi seGO GEORGE.

I-GO GEORGE unelungelo elilodwa lokwala, okanye lokwamkela, ukuthwala umthwalo womkhweli. Ukuba, ngokubona kweGosa eliGunyazisiweyo, kuggitywa ukuba ikhwele imithwalo yomkhweli kuba ayikho mikhulu kakhulu, ayizoziqhuma ezikhulu, okanye ayikokuba ayithandeki okanye ayisayi kuba yingxaki okanye ibangele ukungonwabi kwabanye abakhweli, ingathwala ikwindawo nangendlela efanelekileyo kwisithuthi.

Abakhweli bahlala benoxanduva buqu ngawo nawuphina umonakalo kunye /okanye ukwenzakala okubangelwe ngumthwalo okhweliswe kwisithuthi seGO GEORGE.

16. Izinto /ipropathi elahlekileyo

Lo gama abasebenzi namagosa eGO GEORGE beza kwenza zonke iinzame ezisemandleni abo zokuziqokelela bazingenise naziphina izinto ezifunyenwe kwizithuthi nakumasango eGO GEORGE, iGO GEORGE ayilwamkeli naluphina uxanduva lokulahleka okanye loko-nakala nokunjanina kwezinto ezizezomkhweli. Kwimeko apho kungekho bani uzichongayo, iGIPTN iza kuxhoma intengiso yezinto kumaqonga ahlukileyo, ebonisa abakhweli ngeenkqubo ekufuneka zilandelwe xa kubangwa izinto ezilahlekileyo.

Izinto ezilahlekileyo zingabangwa kwakhona kwii-ofisi zeGO GEORGE kwaye abakhweli kufuneka babuzise ngempahla elahlekileyo kwiZiko lokutsalela uMnxeba (0800 044 044). Ubungqina bokuba yeyakho, apho bufanelekileyo, kuza kufuneka buvezwe phambi kokukhululwa kwazo naziphina izinto ezingeniseweyo. Izinto ezilahlekileyo zaze zangeniswa ziza kufumaneka ixesha elingangeentsuku ezingama-30 ukususela kumhla wokungeniswa kwazo, emva kwelo xesha ziza kuchithwa.

Into	linkcukacha	Indlela yokuyichitha
1	Imali	Iza kufakwa kwiiyure ezingama-24 zokufunyanwa kwayo kwi-akhawunti kaMasipala waseGeorge kwaye igcinwe iminyaka emithathu phambi kokuba ifakwe kwingsowamali ebekelwe bucala yeendleko zikamasipala.
2	Izinto ezizintlobo ngeentlobo okanye eziyingqokelela (impahla, izinto zokucoca, izinto zokudlala, izitshixo, izixhobo zemidlalo, iincwadi)	Ziza kugcinwa iiintsuku ezingama-30, kuze kuphiswe ngazo kwiCandelo lezoPhuhliso loLuntu likaMasipala waseGeorge ukuze lisisasaze.
3	Izinto zexabiso (izixhobo ze-elektronikhi, ubuhlali, iibhegi)	Ziza kugcinwa iiintsuku ezingama-30; zize zithengiswe kwintengiso kamasipala apho ziza kuthengiselwa oyena uza kulawula ixabiso eliphe-zulu ntengiso leyo ebanjwa kanye ngonyaka (iza kwaziswa ngeentengiso)
4	Izixhobo, izinto ezingekho mthethweni kunye nezinto eziyityhefu	Zisuswa kwangoko; zinikezelwe kwabeeNkonzo zamaPolisa zaseMzantsi Afrika.
5	Amakhadi ebhanki kunye namakhadi ezipho	Aza kugcinwa iiintsuku ezingama-30; aze abuyiselwe ebhankini okanye kwivenkile apho akhutshwe khona.
6	Ukuya okufreshi nokukhenkcezisiweyo	Kuza kulahlwa phakathi kweeyure ezine ukuya kwezisibhozo

7	Ukunya (okugqunyiweyo okanye okucikiweyo)	Kuza kugcinwa usuku olunye ukuya kwezisixhenxe (kuxhomekeke kumhla wokuphelelw kwako); kuze kuphiswe ngako kwiCandelo lezoPhuhliso loLuntu likaMasipala waseGeorge ukuze likusasaze
8	Utywala	Buza kugcinwa iveki enye; buze bunikezelwe kwi-SAPS
9	Iincwadi zezazisi / Amakhadi kunye neencwadi zokundwendwela	Ziza kugcinwa iintsuku ezingama-30; zize zinikelwe kwiSebe lezeMicimbi yeKhaya
10	Li-Smart Cards	Ziza kugcinwa iintsuku ezingama-30; zize zinikelwe kubaboneleli ngeenkonzo zeSmart Card
11	Izinto ezivuthayo	Ziza kususwa kwangoko; ukulahlwa kwazo njengoko kumiselwe luhlobo Iwento kunye nokukhuselaka kweenkqubo zokujongana nazo nokuziphatha
12	Izixhobo zonyango kunye nezinto	Zisuswa kwangoko; ukulahlwa kwazo njengoko kumiselwe luhlobo Iwento kunye nokukhuselaka kweenkqubo zokujongana nazo nokuziphatha

17. Izinto/Impahla engahoywanga

Izinto/Impahla engahoywanga (z)ibangela umngcipheko wokhuseleko kwaye zingabangela ukulibaziseka okungeyomfuneko kwinkonzo.

Izinto/impahla engahoywanga zingasuswa ngamaGosa aGunyazisiweyo kwaye, ukuba kuyimfuneko, zingatshatyalaliswa ngabeeNkonzo zamaPolisa aseMzantsi Afrika.

18. Ukuphazamisana nempahla (nepropathi) kunye/okanye abantu

Akukho mntu unokuthatha okanye aphazimisane nempahla/nepropathi yomnye umntu kwizithuthi zeGO GEORGE ngaphandle kwemvume yabo bantu.

Akukho mntu unokubamba okanye abangele ukugilana nomnye umntu ngaphandle kwemvume yabo nokuba kukwiimeko apha isithuthi sigcwele okanye sixinene. Kufuneka kukhathalelw kwaye kuhlonitshwe isithuba sabucala sabanye abakhweli.

19. Izilwanyana kunye nezilwanyana zasekhaya

Akukho zilwanyana okanye izilwanyana zasekhaya zivumelekileyo kwisithuthi seGO GEORGE ngaphandle kwezilwanyana eziqeqliweyo ezincedisa abantu abakhubazekileyo, izilwanyana ezikwiziphatho zeziwanyana ezivalekileyo, iikheyiji, iziphatho okanye iikhreyithi zezithuthi.

- Abakhweli kufuneka bazifunqule iziphatho ezivalekileyo zeziwanyana okanye bazibeke kufutshane neenyawo zabo.
- Isiphatho masingavali ipaseji okanye sithathe isihlalo.

- Isilwanyana okanye isilwanyana sasekhaya masingaphazamisi, singxole okanye sibonakalise ukugrogrisa.

20. Ukuhanjiswa kweebhodi zamaza kunye neebhayisekile

IGO GEORGE yinkonzo yebhasi enobuhlobo neebhodi zamaza. libhodi zamaza zingakhweliswa kwiibhasi eziphakathi kunye neebhasi eziqhelekileyo kodwa azikhweli kwimini bhasi, kuxhomekeke kwezi meko kunye nobukho bendawo:

- Umdlali wamaza kufuneka ame nebhodi emi nkqo kummandla olungiselelwwe oko.
- Ubukhulu bebhodi akufuneki budlule kwi-1,8m.
- Ibhodi yamaza kufuneka ithandelwe ngebhegi yayo yokuhamba ukuthintela ukuba yonakale ngexesha lohambo kunye nokugcina abanye abakhweli bekhuselekile.

libhayisekile azivumelekanga kwizithuthi zeGO GEORGE kuba akukho ndawo yoneleyo.

21. Imipu okanye izixhobo eziyingozi

Akukho mntu makaphathe okanye adubule umpu, umpu womoya okanye naluphina uhloblo lompu kuso nasiphina isithuthi seGO GEORGE, ngaphandle kokugunyazisa ngokukhetekileyo ukuba enze oko ngokusemthethweni ngexesha lokusebenza, njengamagosa anyanzelisa ukuthotyelwa komthetho. Akukho siqhushumbisi okanye isixhobo esiyilelwwe ukwenza imililo, into okanye isixhobo esinokusetyenziswa size sibangele ukwenzakala komntu emzimbeni okanye senze ukuba umntu akhubazeke okwethutyana okanye angabikho zingqondweni okanye esiza kubangela umonakalo kwipropathi esivumeleki-leyo.

22 Ulwelo oluyingozi okanye oluvuthayo

Akukho zinto ziyityhefu okanye zivuthayo ezifana nepetroliyam okanye izipiriti ezinokuhanjiswa ngesithuthi sikawonke-wonke. limveliso zokufudumeza amakhaya, ezifana nerhasi kunye neparafini, zivumelekile ukuba zihanjiswa ngeziphatho ezitywiniweyo, ezivalekileyo nezikhuselkileyo. Ungalelwa ukuba ukhwele ukuba izinto ezo zibonwa njengezibeka abakhweli emngciphekweni.

Ibhotile yerhasi mayingaggithi kubunzima obungange-9kg.

IGosa eliGunyazisiweyo linelungelo lokuzisusa izinto ezinobungozi okanye ezivuthayo kunye nomkhweli osebhasini ngaphandle kwembuyekezo ukuqinisekisa ukhuseleko Iwabakhweli kunye nesithuthi seGO GEORGE.

23. Izenzo ezithintelweyo

Ezi zento zilandelayo zithintelwe kuso nasiphina isithuthi seGO GEORGE:

(i) Ukutshaya

Ngokwemiqathango yoMthetho weMveliso zeCuba kunye noLawulo, ukutshaya akuvumelekanga kuso nasiphina isithuthi seGO GEORGE.

Ukusetyenziswa kwemidiza ye-elektronikhi okanye ezinye iintlobo ezilinganisa izixhobo zokutshaya azivumelekanga ukuba ziisetenziswe kwisithuthi seGO GEORGE.

(ii) Ukutya, ukusela kune nokuhlafuna intshungama

Ukutya, ukusela nasiphina isiselo okanye ukuhlafuna intshungama akuvumelekanga kwisithuthi seGO GEORGE.

Zonke iintshungama mazifakwe emigqomeni efumanekayo kwizikhululo zebhasi phambi kokungena kwisithuthi.

(iii) Ukungcolisa

Ukungcolisa kwisithuthi seGO GEORGE akuvumelekanga. Abakhweli mabasebenzise imiqqomo.

(iv) Ulwaphulo-mthetho

UMasipala kune neGO GEORGE banomgaqo-nkqubo ongalunyamezeli kwaphela na-luphina ulwaphulo-mthetho kwinkqubo. Naluphina ulwaphulo-mthetho olunxulumene nenqubo yeGIPTN luza kutshutshiswa ngokupheleleyo ngokwasemthethweni.

Akukho mntu kufuneka:

- a) angcole, ahlaele, athuke, axhaphaze, alwise, abe ngumqobo, atshabalalise, anxile, angxole, angalawuleki, abe mdaka, angcolise, abe nobungozi, agrogrise okanye aphazamise uxolo loluntu ngesimilo, ngezenzo okanye ngenkangeleko;
- b) asebenzise ulwimi olugrogrisayo, oluthukayo okanye oluxhaphazayo xa ethetha nabasebenzi beGO GEORGE;
- c) enze nasiphina isenzo kwisithuthi seGO GEORGE okanye kumasango eGO GEORGE esinokubangela ukwenzakala okanye sibeke ubomi bakhe nabanina omnye umntu engozini okanye sibangele ukonakalo kwepropathi;
- d) aphazamise ngayo nayiphina indlela ukonwaba kune/okanye ukwaneliseka noncedo lwabanye abakhweli.

Oku kuquka, kodwa akuphelelanga koku:

- ukuthenga, ukuthengisa okanye ukwenza iintengiso zayo nantonina ethengiswayo;
- ukusebenzisa nawaphina amandla, ukoyikisa okanye ukugrogrisa nawuphina umsebenzi okanye um(aba)khweli beGO GEORGE;
- ukucela imali, ukungqiba okanye ukucela umsebenzi;
- ukusilela ukugcina umthwalo ovunyiweyo okanye ezinye izinto ngendleala echanekileyo kune nakwindawo efanelekileyo;
- ukungcolisa, ukulahla inkunkuma okanye ukonakalisa izithuthi okanye ipropathi yeGO GEORGE;
- ukutshica phakati okanye ukwisithuthi seGO GEORGE okanye kwipropathi yomnye umntu;
- ukungcakaza kwisithuthi okanye kumasango eGO GEORGE;
- ukungcolisa nayiphina ipropathi yeGO GEORGE ngokwenza oku, phakathi kwezinye, ukubhala, ukuzoba, ukupeyinta, okanye ukuncamathisela

- nantonina kwipropathi yeGO GEORGE okanye kwipropathi yomnye umntu;
- ukudlala umculo ongxolayo okanye isixhobo sokudlala umculo kwiibhasi zeGO GEORGE, izixhobo zokumamela ezifakwa ezindlebeni zivumelekile ukuba zisetyenziswe ukumamela amajelo e-elektronikhi;
 - ukuthetha okanye ukucula ukhwaza kangangokuba uphazamise abanye abakhweli;
 - ukufota kunye/okanye ukwenza ividiyo yabanye abakhweli xa bebonakalisa ukuchasa isenzo esinjalo;
 - ukungqiyama ngelungu eliphumele ngaphandle, okanye ukujula nantonina okanye ujingise nantonina ngefestile yesithuthi seGO GEORGE;
 - ukuthintela okanye ukuphazamisa ngayo nayiphina indlela umqhubi weGO GEORGE okanye ummeli xa esenza umsebenzi wakhe;
 - ukonakalisa, ukwenzakalisa, ukuphazamisana, ukuphazamisa okanye ukugrogrisa ngokonakalisa, ukwenzakalisa okanye ukuphazamisana nesithuthi okanye nabanina okhwele kuso okanye uphazamise ipropathi yomnye umkhweli;
 - ukukhalisa intsimbi ebhasini ngenjongo engeyiyo eyokuhla kwisithuthi, ngaphandle kwemeko yobungozi kubuqu, imeko kaxakeka kwezonyango okanye ukungathobeli ukhuseleko kwisithuthi.

IGunyabantu elineSivumelwano linkonye ilungelo elilodwa lokuzixela izenzo ezinjalo kumunyabantu afanelekileyo, ukuze kubanjwe okanye kutshutshiswe ngokwasemtheweni.

24. Imiyalelo evela kumaGosa aGunyazisiweyo

Akukho mntu unokusilela okanye ale ukuthobela umthetho ofanelekileyo onikezelwa liGosa eliGunyazisiweyo. Oku kungaqua kodwa kuphelelanga kumyalelo wokuthi/wokuba:

- hlala phantsi, okanye bambelela kumva wesihlalo, kwintsimbi okanye kumtya wokuba-mbelela ngesandla xa umile;
- vula isithuba somntu ohamba ngesitulo esinamavili;
- umzali okanye umntu ohamba nomntwana ongaphantsi kweminyaka emi-4 okanye omncinane ngokwaneleyo ukuba angafunqulwa, xa eyalelwana ukuba amfunqule ukuba umntwana lowo akahlawulelwanga koko uhamba simahla;
- usuke kwisihlalo esiphambili kummandla wezihlalo eziphambili ezisetyenziswa ngabantu abakhubazekileyo;
- susa izilwanyana, impahla okanye umthwalo ongagunyaziswanga;
- bonelela ngegama kunye nedilesi ukuba iGosa eliGunyazisiweyo likholelwana ukuba kophulwe umthetho;
- bonisa ubungqina obubhaliweyo bokuba ulwazi olunikezelwego luchanekile kwaye luse-mthethweni;
- bhengeza ukuba unezixhobo okanye into e(z)yingozi xa bekhwela okanye ebhasini iGO GEORGE; okanye
- bhengeza izinto eziqulethwe kuyo nayiphina isutikheyisi, ibrifkheyisi, ibhegi, ifolda, imvulophu, ipasile okanye isiphatho salo naluphina uhlobo abanaso kubo kwaye bazibonise ezo zinto ziqulethwego, xa becelwa, kwiGosa eliGunyazisiweyo.

25. Ukuthobela umthetho kanye nokungaquka

Abakhweli mabawuthathele ingqalelo kwaye bawuthobele umthetho, le Mithetho kanye nawo wonke umyalelo osemthethweni onikwa liGosa eliGunyazisiweyo.

Ukuba ucelwa kakuhle ukuba wenze oko, abakhweli kufuneka banikezele amagama abo kanye needilesi zabo kula magosa agunyazisiweyo.

Ukuba abakhweli bayasilela ukuthobela umthetho, bangangaquka koko babekelwe bu-cala okanye bakhutshwe kwisithuthi seGO GEORGE liGosa eliGunyazisiweyo.

26. Amatyala ngokubanzi

Lo gama iGunyabantu elineSivumelwano kanye neGO GEORGE ziza kubonelela nge-nkathalo ngeenkonzo zokuhambisa abakhweli, iGunyabantu elineSivumelwano kanye neGO GEORGE aziniki siqinisekiso okanye ziqinisekise ukhuseleko okanye ukuthintela ukulahleka, ityala, ukwenzakala okanye umonakalo walo naluphina uhlobo ovela, ngqo okanye ngokungathanga ngqo, kuye nawuphina umkhweli okanye izinto zakhe, nokuba oku kuvela ngokubonelela okanye ukungabonelelwokanye ukuzama ukubonelela ngokuhanjiswa ngesithuthi seGO GEORGE esikhethwe yinkampani esebezayo.

Oku kuyasebenza nokuba oko kwenzakala, loo monakalo okanye loo lahleko, elo tyala okanye elo bango livela njengesiphumo okanye kulandela naso nasiphina isenzo okanye ukungenziwa kwicala leGunyabantu elineSivumelwano, iGO GEORGE okanye amagosa abo ngexesha lokwenza kwabo imisebenzi yabo.

Abakhweli kanye nezinto zabo bahanjiswa ngomngcipheko wabo ngokupheleleyo kwaye abakhweli abalibeki tyala iGunyabantu elineSivumelwano kanye neGO GEORGE kuwo onke amabango avela kwilahleko, umonakalo, indleko okanye inkcitho yalo naluphina uhlobo, asisiphumo okanye abangelwe ngqo okanye ngokungathanga ngqo, okanye ngokunxulumene nokuhanjiswa okunjalo kanye nangaphandle kwabo nabaphi oono-bangela okanye izihlo ezinokwenza igalelo ngayo nayiphina indlela kwilahleko.

27. Imithetho yeGO GEORGE

Imithetho yeGO GEORGE imiliselwa ngenjongo zokhuseleko kanye noncedo Iwabakhweli. Le Mithetho iyafumaneka ku-www.gogeorge.org.za. Uhlobo oluprintiweyo lwale mithetho luyafumaneka kuyo nayiphina i-ofisi yowlazi yeGO GEORGE xa ubani eyicela.

Imifanekiso ye-CCTV ingashicilelwokanye isetyenziswe nguMasipala ngeenjongo zangaphakathi kwaye ingasetyenziswe eNkundleni yoMthetho.

IMithetho yeGO GEORGE ikhutshwe ngokwemiqathango yeCandelo 7(90)(1) loMthetho weSizwe wezoThutho oLwenzeka eMhlaben, wama-2009 (obizwa njengeNLTA) kanye neCandelo 2(2)(a) loMthetho woLawulo lokuFikelela kuMasango kanye neZithuthi zikaWonke-wonke (obizwa ngokuthi nguMthetho wokuFikelela) njengeMiqathango yokuSetyenziswa.



28. **Ilwimi**

Le Mithetho iyafumaneka nge-Afrikaans kanye nesiXhosa xa ubani eyicela.



Call Centre: 0800 044 044
info@gogeorge.org.za | www.gogeorge.org.za
 GoGeorgeZA |  @GoGeorgeZA